

საბერძნეთის ჭეშმარიტი მართლმადიდებელი ეკლესია

ოქმი № 3110

სააღდგომო ეპისტოლე 2021 წელი

„აღდგომისა დღე არს, განვხრწყინდებოდეთ აწ ერნო; პასქა უფლისა, პასქა! რომლითა ქრისტემან ღმერთმან სიკუდილისაგან მი სნნა, და ქუეყანით ცად აღმიყუანნა სუფევად, ძლევისა მგალობელნი დღეს“.

(სძლისპირი, პასექის კანონი, გალობა ა)

ბერძნები მამანო და მმანო, აღდგომილი მაცხოვრის ქრისტეს მიერ სულიერნო შვილნო,

სულიწმინდა წმინდა მამათა და ეკლესიის ქების მგალობელთა ბაგეებით ქრისტე მაცხოვრის აღდგომის ამ ნათლითშემოსილ დღესასწაულზე ყოველ ერთგულ მართლმადიდებელ ქრისტიანს სულით და ხორცით ნათლად ჭეშმარიტებისად ამაღლებისკენ მოუწოდებს, რამეთუ აღდგომილმა უფალმა ცოდვის შავბნელ უფსკრულთაგან „თანააღგვადგინა ჩვენ“, ცოდვით დაცემათა უგრძნობელობისაგან განგვაცხოველა, სიკვდილისაგან ცხოვრებად მოგვაქცია და სიბნელისაგან სინათლედმონებისაგან თავისუფლებად, მტერობისაგან ღმრთისა თანა დაგებად, მიწისაგან ზეცად!

ესე არს ჭეშმარიტად აღუწერელი ძლვენი და მადლი გამოუთქმელი. ესე არს უსაზღვრო სიდიადე ერთადერთისა მის და ღმრთაებრივისა სიყვარულისა. მკვდრეთით აღდგომილმა მაცხოვარმა ჩვენმა ნათლად გვაუწია: „ესე არს ნება მომავლინებელისა ჩემისა



მამისა, რა თა ყოველი რომელი მომცა მე, არა წარვწყმიდო მისგან, არამედ აღვადგინო იგი უკუნა სკნელსა მას დღესა“ (იოანე 6,39). მამა ღმერთი მხოლოდშობილი ძის რწმენის უდიდეს ძლვენს ანიჭებს ყველას, რომელთაც სათხო მისწრაფება აქვთ და სულის კეთილი განწყობა, რათა მობერვითა სულისა წმინდისა თა ძისა მიერ და სიტყვისა სოფელსა ამას შინა სულიერად განაცხოველოს, ხოლო

მომავალსა საუკუნოსა ცხოვრებასა ბრწყინვალე აღდგომის ღირს-ყოფა მიანიჭოს მათ.

საყოველთაო აღდგომისას ყოველნი აღდგებიან, გარნა ცოდვილნი და ღმრთის მადლით განუნათლებელნი და უნანელნი ქვე დაშოებიან სასჯელს მიცემულნი, მართალნი კი, რომელთაც ვიდრე სიკვდილამდე დაიმარხეს სარწმუნოება, რომელნიც საცდურებით არ მოიხიბლნენ და არ მოტყუვდნენ გულისთქმათა და ვნებათა სიცრუით, რომელნიც წინააღმდეგნენ ეშმაკის მანქანებას და ანტიქრისტეს ორდანოთა მუქარას და თავად მას, ისინი ამაღლდებიან და აღტაცებულ იქნებიან „ღრუბლითა შემთხუევად უფლისა პაერთა ზედა“ (1 თესალ. 4,17). მხოლოდ ისინი აღდგებიან „ცხოვრებასა საუკუნოსა“, „ბრწყინვალებასა წმინდათასა“, „სადა იგი დაუცხომელად მა წმიდა მედღესასწაულეთა ღაღაღადებს: უფალო, დიდება შენდა!“

* * *

აღდგომილი მაცხოვრის მიერ საყვარელნო ძმანო და დანო...

დღეს ჩვენ ცხოვრების გასხივოსნებას, სიკვდილზე გამარჯვებას ძნელ და უპრეცედენტო პირობებში ვდღესასწაულობთ. ბიოლოგიური სიკვდილი, საგულისხმოა, რომ გამონაკლისების გარეშე გვემუქრება ყველას. „ექსპერტები და სწავლულები“ (ამსოფლიური გაგებით) კი ამ გარდაუვალ საფრთხეს შიშისა და სასოწარკვეთის დასათესად იყენებენ, უმეტესად კი საიმისოდ, რომ მთელ მსოფლიოში ეპიდემიათა და სნეულებათა საშიშროებასთან საბრძოლველად და მიწიერი ცხოვრების ნებისმიერი ხანმოკლე სახით გასახანგრძლივებლად უკვე მზა, მოჩვენებითი და „მხსნელი“ გადაწყვეტილებების რეალიზაცია მოახდინონ.

ჩვენ, რომელთაც გვწამს აღდგომა და, ამასთან, არც ჯეროვან ზრუნვას ვივიწყებთ ამქვეყნიურ ცხოვრებაზე, მარტოოდენ მასზე ფიქრით ნუ ვიქნებით გარემოცულნი. **რეალური ცხოვრება** გამოსაცდელი ასპარეზია, რომელიც ცხადჰყოფს ღმრთისა თანა სამუდამო მყოფობის ღირსნი ვართ თუ ცალკემის გარეშე დაშოომისა. ბიოლოგიური სიკვდილი შობის დღიდან თანაგდევს და ნებისმიერ მომენტში, „ვითარცა მპარავი დამისა“ (1 თესალ. 5,2), მოულოდნელად შეიძლება წამოგვადგეს თავს. ეს ყოველივე ღმრთაებრივი განგებულებით ჩვენივე გამოსწორებისა და განსწავლისათვის განეწესა, რათა თავი მოვიზდუდოთ მომაკვდინებელ ვნებათაგან, რომლებიც სინამდვილეში შეაგინებენ ჩვენს ცხოვრებას და სანამ კიდევ დაგვრჩენია დრო, სინაულით მოვიქცეთ მაცხოვრისა ჩვენისა იესო ქრისტეს უსაზღვრო მოწყალებისაკენ.

ნუ დავივიწყებთ, რომ ღმრთის განგება მხოლოდ მასზე როდი ზრუნავს, რაც ჩვენს ამქვეყნიურ ცხოვრებას ეხება, რომელსაც სინამდვილეში მართლაც თავად მართავს და ყურადღებით

მეურვეობს, არამედ უმთავრესად იგი ჩვენს საიქიო და უკანასკნელ ხვედრს განჭვრეტს, რომელსაც ყოველი სწრაფად და უცილობლად მივეახლებით. პირველხარისხოვნად მნიშვნელოვანი ის კი არაა, როგორ და როდის დავტოვებოთ ამ სოფელს, არამედ ის, ვართ თუ არა მზად საღმრთოთა ხედვათა და უფალთან შეხვედრისათვის, სამართლიანი სამსჯავროსა და მისაგებელისათვის.

ამიტომ განვემზადოთ, უცხო ვყოთ თავი განდგომილებისა და ცოდვისაგან, რათა ამსოფლად სიბრძნითა და სიმხნით ვიდოდეთ, ვითარცა „**უშიშნი** მიწასა და ზღვასა“ (ლირსი თეოდორე სტუდიელი) და ჰაერსა ზედა, თავთა შორის თვისთა მტკირთველნი მკვდრეთით აღდგომილი უფლისა დმრთისა და მაცხოვრისა ჩვენისა იესო ქრისტესი, რათა უსიამოვნო მოვლენათა ყოველ შემთხვევისას შეუპოვრად და მტკიცედ ვხმობდეთ: „არა შემეშინოს მე ბოროტისაგან, რამეთუ შენ ჩემ თანა ხარ“ (ფსალ. 22,4), „არა შემეშინოს მე ბევრეულისაგან ერისა, რომელთა-იგი გარემომიცვეს მე“ (ფსალ. 3,7); „ამისთ ს არა მეშინოდის ჩუენ ძრვასა ქუეყანისასა და ცვალებასა მთათასა, გულთა ზღუათასა“ (ფსალ. 45,3)!

ძმანო და მამანო,

ქრისტე აღსდგა! ჭეშმარიტად აღსდგა!

აღდგომა ქრისტესი 2021

**წმინდა სინოდი
მთავარეპიკოპოსი † კალინიკე
ათენისა და სრულიად ელადისა
სინოდის წევრები**